

太倉州志卷二十六 原修

祥異

太戊修德祥桑枯死景公一言熒惑退舍災異豈有常哉修人事以弭天變聖賢所以遇災而懼也宋臣林瑀以周易推演五行陰陽之變謂災異皆有常數不足變而王安石倡行新法遂有天變不足畏之說此諛臣所以蔽災欺人君而誤天下來世也今據春秋書災異不書祥瑞之義張采志有二十七保獻白鴈白鶻之瑞今刪之撮其水旱螟蟲與夫一切變異之關於一邑者著於篇宋咸淳七年辛未有巨魚乘潮入橫瀝河形如象按隋書如此者名建同知縣朱象

太倉州志

卷五

祥異

一

祖縱之去是歲大濼元元貞五年乙未七月暴風雨雹江湖泛溢沿海民傷不可計朝廷發米八萬七千餘石振之大德五年辛丑七月風潮漂蕩民廬死者八九海道千戶朱旭運米千石以拯明洪武十一年戊午七月四日大風有大魚入城二十三年庚午海溢漂沒民田三洲一千七百餘家永樂十二年甲午閏九月大風潮損禾蠲水災田租十四年丙申大旱二十年壬寅七月大風損禾宣德元年丙午水災蠲田稅正統元年丙辰海溢風潮傷禾命官田準民田起科仍減額有差時有二人各兼男女體人謂之二形子景泰二年辛未陸容

家產瓜一帶五瓜是年朱勝三妻一產三男五年甲戌大水蠲漕糧天順間龔氏女一產三男成化十五年己亥九月二十日地震十七年辛丑春夏大旱蝗食禾秋大水十九年癸卯正月七日雨木冰形如瓔珞是年里人朱全家白日羣鼠與猫鬪猫屢却全卧見之以物投鼠不去起而逐之纔去

見菽園雜記

宏治五年壬子五月大

水蠲免積年逋賦及四年夏稅秋糧有差六年癸丑五月大水七年甲寅大水冒城郭舟行入市八年乙卯水災蠲免積年逋欠糧草籽粒有差并免本年夏麥十之三十三年庚申海潮赤如血十六年癸亥大旱知州翟

太倉州志

卷五

祥異

二

敬請巡撫都御史魏紳奏免秋稅三之一共免米六萬九千七百六十一石有奇正德五年庚午夏水溢死亡載道是年起運稅糧俱量改折各衛所屯田籽粒視災之輕重蠲免七年壬申七月大風穀多糶是年以旱災蠲免秋糧有差十年乙亥大無麥斗米八十錢薪百斤錢五十一年丙子三月三日張寅家天雨紅雨以甌盛之色久不變數日寅母卒時雙鳳土岡中聲如雷有氣從西北去春耕田間水湧草木盡偃十四年己卯水災蠲免夏稅有差嘉靖元年壬午七月己巳颶風作四面旋激雨奔注海溢民漂死無算知州劉世龍設法振

濟蠲免積年逋賦二年癸未冬地生白毛

張采志是年正月擒圖山

賊董效等俘入地震知州劉世龍多所原凡殺獲百七十四人海事復不靖冬見變說者謂地陰物白金色海賊相殺傷之應也七年戊子旱災蠲免被災全稅八年己丑春

夏雨秋大旱蝗十二年癸巳雙鳳周氏宅一大鳥集鸛

巢狀如天鵝鸛翔雲霄懼不下周氏主彎弓射之中其

左脇有頃騰空去至直塘五里而墜居民得之重三十

斤是歲主人內難室人殃十八年己亥水災蠲免秋糧

有差二十二年癸卯郭氏荒壟與金氏墓相去百步外

各植樸樹合抱夜嘗有火如燈往來二木顛無數未幾

郭氏樹朽折二豎子遇之卒死金氏主亡家破二十三

太倉州志

卷五 祥異

三

年甲辰旱災全免秋糧二十四年乙巳大旱河裂米石

一兩五錢蠲免秋糧二十五年丙午春夏七浦潮兩至

二十六年丁未九月十二日二十二都搏一虎州地平

夷無虎來自北咸駭是月復有大魚入七浦過直塘返

至花蒲口居民捕得馬首有足形約重二千斤時海濱

張氏有白衣人焚紙卧榻前俄不見鄰家賣紙失四束

榻上有蝦蟆食惡遠投者三卒在故處嘗下一佛軸收

輒卷去榻褥累壇上蓋簞火獨燒褥不及壇簞衣篋上

小孔出火衣盡亦不及篋一家供先靈人過木主輒起

觸空中撻女奴懸其衣號呼甚苦又雙鳳周錫家西廂

觸空中撻女奴懸其衣號呼甚苦又雙鳳周錫家西廂

房設桌子無故自傾飯熟起看有雙雀入鍋爭食不畏熱亦不畏人塗松沈白頭家殺一雄雞腹中一小兒剖出五形具

張采志云時倭變將作故多怪兆三十一年寇入殺人如麻則其應也

年甲寅旱海潮不入井泉枯除夕潮忽湧入七浦過沙溪市民爭持瓶罌汲水一渡而止是年蠲免本年錢糧改折起運之半三十四年乙卯春海上戰船一夕有火在桅斗中須臾散各船復聚入海海中哭聲沸又天雨如赤豆又如椎碎瑪瑙或間青白三十六年丁巳秋遠近傳有狐夜傷人面輒迷不醒擊金鼓徹夜不絕云妖人翦紙咒惑亂人或破之門設水盆照見輒墮得紙狐

太倉州志

卷五

祥異

四

爪中置鍼三十七年戊午夏大雨雹秋大旱巡撫周如斗奏蠲田糧三十九年庚申八月十三都毛氏宅雨血星隕如雨四十年辛酉大水民饑僵尸滿野賦稅益多雙鳳故家大族堂室一空

見元亭間話

四十二年癸亥海魚入新洋江豕首鳥尾有足形隆慶二年戊辰元旦大風飛沙晝晦時宦者張進朝謬言選女入宮民間爭婚配至失倫太倉尤甚事聞進朝棄市三年己巳海潮歲三溢萬歷三年乙亥六月颶風連旬海溢五年丁丑劉河岸有人鋤地深三尺得四狗皆啣啣作聲七年己卯振水災蠲免稅糧十年壬午七月戊辰己巳大風雨拔木

江海及湖水盡溢漂沒室廬人畜以萬計

張采志云嘉靖壬午七月

戊辰己巳亦如之是日俱有龍火之異前壬午禍微輕而遠是年禍甚而狹要之六十年所無人知週一甲子而不知干支無一日之贏欠 蠲免隆慶元年至萬曆七年逋賦又蠲

十年分一應起存錢糧十之三時獲怪魚於璜涇壽山

灣大首細頸蓋海潮溢入十一年癸未大水十五年丁

亥大水十七年己丑大水蠲免災田糧麥有差十九年

辛卯七月十八日海潮漲次日譌傳倭寇至城門晝閉

民奔竄相蹈藉溺死水中二十六年戊戌大水二十九

年辛丑水災改折漕糧有差三十六年戊申四五月連

雨四十餘日

崑山志云雨後忽生蟲如蚊而大三倍之望之若煙雲其聲若雷第不嚙人人謂之

太倉州志

卷美

祥異

五

荒 江海水溢西南鄉水高至丈餘居民逃徙詔留稅銀

振濟天啟三年癸亥地震四年甲子大水六年丙寅四

月二十七日午後有雲氣如旗又似關刀在西北角長

亘天色白後變紅紫經時而滅五月三日又見於東北

形如縑其色紅赤四日又見類如意其色黑占者曰此

太白蚩尤旗之變幻

見王昊當恕軒

七年丁卯水災蠲免起

存額賦有差崇禎四年辛未七月大風穀糶木棉壞四

鄉姦佃謀盡匿租中夜呼應燒田主房廬冬盡乃息十

一月二十四日甚寒有微雪早見三龍掛天二十五日

寒倍三龍復見十一年戊寅八月飛蝗蔽天傷禾時市

中多鬻異魚如虎頭諸形又有黑光摩盪日旁見陳瑠確菴日記

記十二年己卯鶴王市地湧血見綏寇紀畧十四年辛巳大

旱蝗秋驟生蟲五色長寸許食棉花葉無遺張采志云五色蟲災

民益絕望有衢州人見之驚喜云彼中此蟲食棗豆至

春上冬青樹結窠房土人割取作白占利十倍今年蟲

忽絕豈天移生東土因佃我棗豆田畝三兩然蟲

伏時不許鋤動州既少種棗豆田入冬俱翻種麥

春斗米錢干一百文民有食子者遺惠祠及隆福寺集

飢民千餘日死無算稅糧急漕米許三之一改麥折價

每石一兩五錢王家禎見聞雜錄云是年大旱冬米石

四兩餓死載道河中浮尸滾滾古墓墟

墓間不可勝計城門巷口拋棄小兒百十為羣或有人

引去或視其僵死死盡棄之叢冢或聚而焚之或掘

坑埋之蓋不勝數幸不死者屑榆樹皮為餅糠皮為

粥一望村落樹皮削盡天下之奇荒無過是年者

是

太倉州志

卷五 祥異

六

年太倉衛指揮姜周輔家雞伏子兩頭四翼八足十六

年癸未穿山崩十七年甲申張采家李樹上生一物如

黃瓜確菴日記云甲申乙酉婁城李樹多生瓜張南明

郭家亦有之未幾國變南郭為亂民歐辱幾斃年東鄉王來復家地中出血後行薙髮令海濱大亂殺

人無數王氏一門殆盡見確菴日記國朝順治二年乙酉

閏六月朔夜將半天上小星散落如雪三年丙戌六月

四日新安鎮即今陸公市李明之家地出血明日俞二家地

出血尤甚十一月二十七日太倉衛銀杏一株火從中

出而木本不傷四年丁亥十月沙溪南陳王廟之東有

獵者牽犬搏兔犬入叢薄中不出怪之探見一大獸如

驢文如虎忽躍出攫人驚呼四面圍之舉火焚林虎躍出從二人肩過人墮水虎竟渡河復入他叢中後不知所在見見聞五年戊子四月三日雨雹小者如棋大者

如卵滿天飛舞屋瓦皆碎庭中積起盈寸見見聞六年

己丑四月直塘凌氏墓有大鳥來數日不去有善銃者

彈下重二十四斤七月十四日琅邪族人王甲於墳樹

間彈得一鳥人面高七尺餘食之無害十二月二十五

日丑刻大雷電七年庚寅五月二十七日至六月三日

寒氣侵人人皆御重綿是冬鶴王鎮鄉民見血從地湧

出又東門外一村落有梅一株蛇懸死枝上者凡百頭

太倉州志 卷五 祥異 七

八年辛卯大水傷禾十年癸巳地震秋大水傷禾歲大

饑十二年乙未七月大風拔木飛鳥殞傷十四年丁酉

夏民間訛傳狐魅一夕數驚鳴金達旦擾攘月餘始息

十五年戊戌三月二十七日日將入時有大星墜於東

南其聲如雷人皆見之七月小北門譙樓內有黑蟻與

黃蟻鬪黑者勝黃者敗二事見確八月二十三日未刻

地震聲如雷十七年庚子秋西關外有樹懸一蜂窠大

如囊可容二石十一月二日海中龍見無雨西北起黑

雲一片籠二十有七附而行至東南乃滅十二月五日

虹見八日雨木冰十八年辛丑正月朔龍見海中初四

日極寒龍又見立春日州大夫迎春於東關外土牛未

入門而首已墮見見聞三月民吳氏雄雞生卵六月胡

延光家烹鰻魚腮下肉痕隱見州修橋課餉五字是年

大旱饑王吳官粥行婁民千家萬家哭大小相攜喫官

有青袍生衣衫藍縷街頭行冷炙殘盃無處乞喫粥亦

與饑民爭連旬收割徒春麥怕殺驕陽正焦赤依稀記

得辛巳秋斗米直錢千一百此時官粥煮會聞啼飢哭

死日紛紛今年流殍視之倍烏鳶繞郭呼其羣可憐死

者長已矣生者不如犬與豕死者溝壑信難甦生者魂

魄終歸徂去歲西成已先乏目下新苗總難插君不見

郵舍追胥夜捉人七月初六日極寒有霜雪康熙二年

有司新立催租法癸卯四月十六日大雨雹四年乙巳七月朔大風海潮

溢龍下麋場涇傷數人禾湮八九里破民居二十餘家

太倉州志

卷五 祥異

八月四日天晴無雲黃龍見東南五年丙午十二月八

日地震有聲從東南來七年戊申六月十七日地大震

自六月至七月地生白毛九年庚戌夏大雨連月高低

田盡沒漂蕩廬舍無算陸世儀水沒頭歌水沒頭沒頭

滿四澤梅雨又來人盡喜陡然一雨四十日平地波濤

三尺起高鄉低鄉成陸海堅厚如城亦傾圮天晴水未

退尺寸怪風忽動雲如駛海水直立高於山奔入平田

幾十里屋廬漂沒花稻空人畜浮沈半生死誰知天意

更奇哉東北風迥西北來太湖三萬六千頃捲空白雪

聲如雷湖堤東東不得過抵排激鬪魚龍簸沖村撲舍

村舍空蕩郭摧城城郭破吳江一城如小孟中邊皆水

民為魚盡樓百間沈水底縱橫棺棹浮邱墟奔騰東出

出不識三故道皆湮塞迴旋散漫浸平疇阡陌疆園

部不識可憐三吳賦重民力彈豫徵久悲骨髓乾惟望

秋成十分好卒歲猶自多艱難豈料民窮天不恤罪孽

既深難解釋積荒十載荒又荒此番定作溝中瘠被災



死者不必言惟有生存苦更冤先要支持七分限粉身碎骨誰來援沿塘水淺稍可救盡力增圍夜復晝無端殃及往來船亂搶篷桅如殺鬪救苗費盡無限力水中作肚苗不實徒看兩岸葉青青粧點豐穰虛景色沿海高鄉更不情木棉水退葉仍生根幹已傷無子結聊作薪芻熬釜鏹朝廷餉急不輕赦部文日夜魚鱗下報荒不報兩遲疑造册里區先索謝叩闕無路天宇深思量往事多酸辛勸荒費大不可說總有蠲減還欺侵欲歌不能哭不可萬轉干迴愁殺我干戈寧息四海平反使斯民重罹禍遙思昔日帝堯慈九載洪波靡子遺未識君臣用何道十年辛亥旱自六月不雨至於八月遺種猶存到此時

是年七月茜涇營家狗作人言十一年壬子夏蝗自北來既而入海災亦不甚十三年甲寅春夏連雨河生小蟹無數皆有尾與常蟹異逆流西行三月小西門民蘇禹仲家畜二豕皮爪盡脫一活一死十五年丙辰七月

太倉州志

卷五

祥異

九

初旬天雨白絲十七年戊午正月十二日立春五鼓時州守正鞭春南天震響天忽裂四月五日地震屋宇皆動六月中旬劉河鎮東民沈姓家牛產犢一身兩頭九月二日十九都民楊月妻一產三男十月二十六日天雨白毛取視如雪片絲縷分明十八年己未二月八日穿山崩三月二十三日地震有聲從西北至東南十月十五日辰刻東北天挂二龍大雪十九年庚申夏淫雨累月木棉禾豆皆爛十一月二日日初昏西方白氣互天長數丈根有一星更盡始散二十一年壬戌夏雨木棉涸爛殆盡三十二年癸酉七月十三日颶風大作海

潮溢溺死者甚眾四十六年丁亥夏秋大旱井泉竭河  
底盡坼妖僧一念等謀叛伏誅四十七年戊子夏大水

田中駕舟兼旬始退木棉多滄死歲饑唐孫華官米行

熟慄慄窮民在溝瀆詔書亟下有明恩蠲減田租兼

發粟高檣大編載米來胥徒里正歡相逐先時注冊報

飢民烏有虛名登記錄至竟無從辨阿誰盈車滿擔歸

私屋官米猶嫌飯有沙市上公然恣販鬻石米七百青

銅錢貧戶無錢但瞪目得錢飲博競歌呼窮鄉寡婦哀

哀哭官家本意活勞瘁徒使汝曹饜酒肉汝奪窮民口

內餐燃臍應六十年辛丑夏秋旱六十一年壬寅春雨

照填脂腹

木冰秋旱七月三日有大星自東南流至西北聲如雷  
光如電其所經過有白痕一條如練長竟天良久方滅

雍正元年癸卯夏旱二年甲辰夏有蝗自西北向東南

太倉州志 卷五 祥異 十

去傷禾數十頃七月十三日颶風作海潮溢是年八月

奉上諭前因七月日大風海潮泛溢沿海居民田廬

漂沒小民望振孔道若待奏請方行振卹時日耽延小

民不能卽沾實惠朕心深為閔惻着該督撫委大員踏

勘卽動倉庫錢糧速行振濟使災黎不致失所其應免

錢糧田畝卽卽詳細察明請蠲該地方官各宜實心奉行

加意撫綏俾凋瘵得蘇生全速遂以副朕勤恤民隱至

意自後二百年來凡遇水旱偏災但有奏請無不立予蠲緩深仁厚澤亙古所希焉四年丙午八

月淫雨敗穀五年丁未十二月十三日酉刻有白氣一

條如虹其長竟天食頃卽滅六年戊申三月九日午刻

有黑氣如匹布從東南至西北良久方散七月三日有

白氣如匹布是年疫七年己酉閏七月十四日夜有微

雪十年壬子五月城隍廟後池水立數丈

見顧陳埽六

無益之言

月初七夜雷火燒縣署册籍俱燼雷斧斃一奸胥見程穆衡

霹靂行七月十六日颶風海潮大溢漂沒廬舍人畜死者不可勝計近海平地水深丈餘延內地四十餘里十

八日夜驚呼水至男女奔竄空中有聲如風雨驟至雞

犬俱號守令盡心撫卹奉旨蠲振民始甦聞棠子丑臚述云時

難民忽驚以地火將發日則寒食夜則暗處一夕或叫

於樹日鳴以為火也眾皆驚走終夜擾攘奸民乘之以

竊肆十一年癸丑夏五月大疫死者無算州縣令地方每

日册報死者之數一日至有百數十口因虔禱城隍神

驅疫自是遞減至立秋乃已子丑臚述云是年春大饑民毀屋以給食繼饑其子

女村落有榆樹爭食其皮道乾隆七年壬戌劉河鎮有

殓相望至三月而疫大起

太倉州志 卷五 祥異 十一

虎傷人八年癸亥十二月初七日戌刻天鳴自北而南

聲如轉磨十二年丁卯七月沿海潮溢禾棉盡淹二十

年乙亥大水蟲敗禾稼幾盡崑新志云蟲名好蚘飛則成園集則

脂膏歲大饑崑新志云時交秋分節巡撫已奏成熟學

立盡義與巡撫合奏得旨蠲緩有差冬疫二十一年丙子春疫四十六年

辛丑六月十八日大風潮溢未刻有雲起東北見一星

光芒四射是歲饑州縣請帑發振五十年乙巳歲饑

五十六年辛亥六月三十日七月二十日大風潮溢五

十九年甲寅七月海潮溢嘉慶二年丁巳天雨白絲七

年壬戌劉河鎮大火是年新鎮汪賈家畜一鴨初生一

卵明日生二卵又明日生三卵至二十三卵既而向西  
南飛去其家亦無吉凶九年甲子大水饑十一年丙寅  
夏御麥一名番麥結人物鳥獸形麥粒如灰十八年癸酉地  
生白毛十九年甲戌大旱斗米至千錢餓殍載道二十  
年乙亥地生黑白毛二十四年己卯鶴王市徐士芳家  
屋後獲一龜大可五寸兩首一首出尾下亦能伸縮飲  
食二十五年庚辰秋大疫患者手足踈攣俗名蝘蛛瘟  
道光元年辛巳六月大疫至九月始已時雞翅兩旁生  
爪三年癸未夏大雨自五月至七月平地水深數尺漂  
沒室廬無算歲大饑守令設法捐振竝奉 旨給振蠲

太倉州志

卷三 祥異

十三

緩銀米七年丁亥八月疫歲饑十五年乙未夏旱七月  
二十二日亥刻有白光從天西南流至東北如電良久  
乃滅十六年丙申六月大水十八年戊戌大雨雹十二  
月除夕熱甚大雷電既而雨雪二十一年辛丑冬十一  
月大雪平地積數尺經月不消二十二年壬寅二月七  
日夜有大星起西北光白色形如匹練漸移西南至初  
秋乃滅二十五年乙巳正月二十五日初昏有大星自  
西南墜東北聲如雷二十六年丙午六月十二日亥刻  
地大震二十九年己酉夏大雨自四月至五月不止平  
地水深如三年歲大饑知州徐家槐設法蠲振咸豐元

年辛亥冬十二月除夕西郊水濱有蟲無數似蜈蚣有  
光自西來日出始滅三年癸丑春三月七日夜地大震  
越日復震七月有星孛於西北冬十一月地復震六年  
丙辰春天雨豆地生紅白毛夏大旱秋蝗傷禾大疫冬  
城中設廠收捕蝗子十一月夜河水鬪陡高數丈搏擊  
有聲七年丁巳夏有星孛於西北光芒長數丈至九月  
長竟天十月始沒八年戊午七月大雨雹九年己未春  
天雨豆形如皂莢核秋八月地生白毛十年庚申春學  
宮暨鎮海衛前及西城河南岸樹生煙直上如蟻蠓三  
月十三日大雪四月十日夜有星見西北白光上出二

太倉州志

卷五

祥異

三

十六日有星隕於東南五月十五口有星出北斗下光  
射及漢七月五日夜星隕八月天鼓鳴十一月十一日

大雨雷震

是年四月二十八日八月十四日  
日粵匪兩陷州城故災異迭見

十一年辛酉

五月二十六日夜斗杓東有白氣亙天有星如卵起紫  
薇垣斗筐下與杓相值六月杪始滅七月五日夜流星  
自北而南絡繹不絕冬十二月二十七日大雪三日深  
三尺溷園生蛆同治元年壬戌春正月寒甚雨木冰二  
月三日九曲鎮南溪水生青黑蟲數千長尺許首尾俱  
銳其足數百如芥子進退能行七月有星孛於北斗蝗  
八月十四日雨雹九月二十一日夜大雷雨三年甲子

六月十日颶風大作竟日不止壞城東南鐘樓及王文肅公祠前坊二十六日戌刻天忽明如晝俗云天開眼四年乙丑春二月五日夜雨雹夏淫雨冬十月十九日夜地震五年丙寅秋七月十八日夜有大星自東南移西北光如匹練微有聲及沒有紅光曳尾燭地如火是夏雞翼生爪長二三分自一至五不等九年庚午春正月二十七日夜更餘有神火自西南蔽空來恍聞人馬聲城鄉俱鳴金放鎗礮四更方靜尋知自潁關至省城南及松江北通常熟皆同光緒元年乙亥秋七月三十日大風晝夜雨如注竟日始息木棉歉收三年丁丑五

太倉州志

卷五

祥異

古

月二十三日午刻大風雨拔木發屋半日始止六月蝗自西來七月陰雨遍地生青蟲間有五色者食木棉豆

葉幾盡

蟲自迷霧中來其細已甚有絲曳枝上累日大如蠶食葉之速如之後遇微寒死

十一

月大雪深尺餘經月不消五年己卯葉裕仁家井泉溢涌出丈餘以穢物覆之井遂廢明年裕仁卒九年癸未七月風潮迭作秋收大減木棉尤甚邑人隨同州守萬葉封赴省呈訴得蠲緩銀米四分五釐

是年風災後鎮洋令梁奮庸已

據實通稟湘陰相左公宗棠時督兩江據以實告疏中并有如州縣拘牽成例不即稟報當即指參等語始知此次淮災迅速幸先有此文襄固賢者即梁令亦胡可多觀哉十五年己丑秋大水淫雨四十餘日淹沒禾稻殆盡蠲緩銀米十分之三十九月

日奉 上諭蘇鎮常松太各屬發藩庫銀五萬兩振災  
皇太后提宮中節省銀五萬兩一併給發曠蕩之  
恩互古 十九年癸巳茜涇城外某甲家竹林甚盛內有  
未有

二竹忽成龍形首尾鱗甲如刻畫逾數年其家死喪殆  
盡竹亦斬伐無存二十一年乙未三月新塘鎮郁朝宗  
妻王氏孕七年餘生一女形如老嫗不育未幾王氏亦  
歿二十三年丁酉四月二十日王世熙家天雨紅雨盛  
之色如玫瑰歷久不變易曰視履考祥又曰吉凶者失  
得之象也古者天子見怪則修德諸侯見怪則修政卿  
大夫見怪則修職士庶人見怪則修身春秋哀公時西  
狩獲麟宣尼書之以爲異蓋不必禍福之驗與不驗也

太倉州志

卷五

祥異

十五

而皆以人事之修悖爲準人事理而天命降亂者未之  
有也人事亂而天命降康者亦未之有也天道虧盈鬼  
神福謙善乎宋儒有言曰盡人事便是命